

宋
名
家
詞

夢窗丁稿

瑞龍吟

賦蓬萊閣
舊刻雙調非

墮紅際。層觀冷翠玲瓏。五雲飛起。玉虬縈結城
痕。淡煙半野。斜陽半市。瞰危梯。門巷去來車
馬。夢游宮蟻。秦鬟古色凝愁。鏡中暗換。明眸皓
齒。東海青桑生處。勁風吹淺。瀛洲清泚。山影
汎出碧樹。人世旗槍。芽焙綠。曾試雲根味。岩流
濺。涎香怕攪。驕龍春睡。露草啼清淚。酒香斷文

丘廢隧。今古秋聲裏。情謾黯。寒鴉孤村流水半。
空裏。西角落月地。

瑞鶴仙

壽方蕙
岩寺簿

轆轤秋又轉。記旋草新詞。江頭憑雁。蔡塍上銀
漢。想車塵纔踏。東葉紅。輭。何時賜見。漏聲涼移
宮夜半。問尊鱸。今幾西風。未覺歲華遲晚。一
片丹心白髮。滴露研朱。雅陪清燕。班回柳院。蒲
團底。小禪觀。望呆愚。明月初圓。此夕應笑嬋娟。

茂苑。願年年玉兔長生。聳秋井幹。

思佳客

閨中秋

即鷓鴣天

丹桂花開第二番。東籬展却宴期寬。人間寶鏡
離仍合。海上仙槎去復還。分不盡。半涼天。可
伶閑。剩此嬋娟。素娥未隔三秋夢。贏得今宵又
倚闌。

沁園春

賦方泉

澄碧西湖。軟紅南陌。銀河地穿。見華星影裏仙。

夢窗丁稿

三十三

汲古閣

碁局靜。清風行處。瑞玉圭寒。斜谷山深。望春樓
遠。無此峭嶮小澗川。春一泓地。解不波不涸。獨
障狂瀾。老蘇雨後坡仙。繼菊井佳名。相與傳。
試摩挲勁石。無令折角。丁寧明月。莫浣規圓。謾
結鷗盟。邨知魚樂。心止中流。別有天。無塵夜。聽
吾伊。正在秋水闌干。

齊天樂

毘陵陪兩別
駕宴丁園

竹深不放斜陽入。橫波澹墨林沼。斷莽平煙。殘

荷剝水宜得秋深纔好。荒亭旋埽。正著酒寒輕。
弄花春小。障錦西風。半圍歌袖。半吟草。游清
興。易嬾。景饒人未勝。樂事長少。柳下停車。尊前
岸幘。同撫雲根一笑。秋香未老。漸風雨西城暗。
欹客帽。背日移舟。亂鴉溪樹晚。

玉樓春

爲故人壽母

華堂宿讌連清曉。醉裏笙歌雲窈窕。釀成千日
酒。初香過却重陽秋夏好。阿兒早晚成名了。

夢窗丁稿

三十四

沈古

玉樹階前春滿抱。天邊金鏡不須磨。長與粧樓
慙晚照。

醉落魄

題藕花洲尼扇

春溫紅玉。纖衣學剪嬌鴉綠。夜香燒短銀屏燭。
偷擲金錢重把寸心卜。翠深不礙鴛鴦宿。採
菱誰記當時曲。青山南畔紅雲北。一葉波心明
滅淡粧束。

蝶戀花

題華山道女扇

北斗秋橫雲鬢影。鸞羽衣輕。腰減青絲剩。一曲
游仙聞玉磬。月華深院人初定。十二闌干和
笑凭。風露生寒。人在蓮花頂。睡重不知殘酒醒。
幾度啼鴉暝。

朝中措

題蘭室
道女扇

楚臯相遇笑盈盈。江碧遠山青。露重寒香有恨。
月明秋珮無聲。銀燈炙了。金爐燼燠。真色羅
屏。病起十分清瘦。夢闌一寸春情。

夢窗丁稿

汲古閣

江城梅花引

贈倪梅村
舊刻題誤

江頭何處帶春歸。玉川迷路東西。一雁不飛雪。
壓凍雲低。十里黃昏成曉色。竹根籬。分流水。過
翠微。帶書傍月自鉏畦。苦吟詩。生鬢絲。半黃
細雨翠禽語。似說相思。惆悵孤山。花盡草離離。
半幅寒香家住遠。小簾垂。玉人誤。聽馬嘶。

杏花天

湯詠

蠻薑豈蔻相思味。算却在春風舌底。江清愛與

秋曲翠陰明月勝花夜。那愁春去速。

天香

壽筠塘
內子

碧藕藏絲。紅蓮竝蒂。荷塘水暝香斗。窈窕文窗。
深沉書幔。錦瑟歲華依舊。洞簫韻裏。同跨鶴青
田。碧岫菱鏡妝臺挂玉。芙蓉豔褥鋪繡。西鄰
障蓬漂手。芙蓉朝夢闌分秀。未冷綺簾猶捲淺。
冬時候。秋到霜黃半畝。便準擬攜花就君酒。花
酒。年華天長地久。

謁金門

和勿
參韵

雞唱晚。斜照西窗白。一枕午醒幽夢遠。素衾
春絮軟。紫燕紅樓歌斷。錦瑟華年一箭。偷果
風流輸曼倩。畫陰爭繡綫。

鷺啼序

和趙修全韵。
舊刻分四段非

橫塘棹穿豔錦。引鴛鴦弄水。斷霞晚笑折花歸。
紅紗籠護燈蕊。潤玉瘦水輕倦浴。斜拖鳳股盤
雲墜。聽銀水聲細。梧桐漸覺涼。窗隙流光。

冉冉迅羽。愬空梁燕子。誤驚起。風竹敲門。故人
還又不至。記琅玕。新詩陳迹。搯香痕。纖葱玉指。
怕因循。羅扇恩疎。又生秋意。西湖舊日。画舸頻
移。不定。歎幾縈夢寐。霞珮冷。飛雨乍溼。鮫綃暗
盛。紅淚波心宿處。練單夜笑。瓊簫吹月。霓裳舞
尚明朝。未覺花容頽。嬌香易落。回頭淡碧。銷煙
鏡空。畫羅屏裏。殘蟬度曲。唱徹西園也。感紅
怨翠。省慣吳宮幽憩。暗柳退涼。曉岸參斜。露零

夢窗丁稿

三十九

汲古閣

鷗起絲縈寸藕。畱連歡事。桃笙平展。湘浪影有。
昭華穠李。冰相倚。如今鬢點淒霜。半篋秋詞。恨
盈蠹紙。

點絳脣

香泛羅屏。夜寒著酒。宜偎倚。翠偏紅墜。喚起芙
容睡。一曲伊州。秋色芭蕉裏。嬌和醉。眼情心
事。愁隔湘江水。

繞佛閣

贈郭李隱

倩霞艷錦。星媛夜織。河漢鳴杼。紅翠萬縷。送幽
夢與人間。秀芳句。怨宮恨羽。孤劒謾倚。無限淒
楚。賦情縹緲。東風搖颺。花絮。幽。幽。幽。鏡裏半
髭雪。詞老春深。鶯曉處。長閉翠陰。幽坊楊柳戶。
看故苑離離。徧生禾黍。短蓼青屨。笑寄隱閒追。
雞社歌舞。最風流。墊巾沾雨。

○夜遊宮

人去西樓雁杳。敘別夢揚州。一覺雲淡疎星楚。

山曉聽啼鳥。立河橋。話未了。雨外蛩聲早。細
織就。霜絲多少。說與蕭娘。未知道。向長安。對秋
燈。幾人老。

如夢令

春在綠窗楊柳。人與流鶯俱瘦。眉底算寒生。簾
額時翻波皺。風驟。風驟。花徑啼紅滿袖。

醉桃源

荷塘小隱
賦燭影

金丸一樹帶霜華。銀臺搖豔霞。燭陰樹影兩交

加秋紗機上花。飛醉筆駐吟車。香浮小隱家。
明朝客夢付啼鴉。歌闌月未斜。

絳都春

餞李太博赴
括蒼別駕

長亭旅厓。歛倦羽寄栖牆陰年晚。問字翠樽刻
燭紅箋。慳曾展。冰灘鳴珮。舟如箭。笑烏幘臨風
重岬。可怜垂柳。清霜萬縷。送將人遠。吳苑千
金未散。買新賦。笑賞文園詞翰。流水翠微。明月
清風平分半。花深驛路香不斷。萬玉舞杳。慙東

苑祇應花底春多。輭紅霧煥。

漢宮春

寄王
虔州

懷得銀符卷朝衣。歸袖猶惹天香。星移太微幾
度。飛出西江。吳城駐馬。趁肥鱸、蟻初嘗。紅霧
底金門候曉。爭如小隊春行。何用倚樓看鏡。
算橘中深趣。日月偏長。江山待吟秀句。梅靨催
粧。東風水煥。弄煙嬌語燕飛檣。來歲醉鵲樓勝
處。紅圍舞袖歌裳。

瑤花

分韻得作字
戲虞宜典

秋風采石羽扇揮兵。認紫駟飛躍江離塞草應。
笑春空鎖凌煙高閣。胡歌秦隴。問饒鼓新詞誰
作。有秀蓀來染吳香。瘦馬青芻南陌。冰漸細
響長橋。蕩波底蛟腥不浣。霜鰓烏絲醉墨。紅袖
煙十里湖山行樂。老仙何處。算洞府光陰如昨。
想地寬多種桃花。豔錦東風成幄。

瑞鶴仙

壽雲旄
先生

記年時秋半。看画堂凝香。璇奎初煥。天邊歲華
轉向九重春近。仙桃傳宴。銀罍翠管。寶香飛蓬
萊小苑。感玉皇恩重千秋翠麓。峻齊雲漢。須
看鴻飛高處。野闊天寬。弋人空羨。桺清水暎茗
溪畔。幾吟卷。算金門聽漏。玉墀班平。贏得風霜
滿臉。總不如綠野身安。鏡中未晚。

暗香

送魏句濱宰吳縣
解組分韻得闌字

縣花誰葺。記滿庭燕麥。朱扉斜闔。妙手作新公。

館青紅曉雲溼。天際疎星趁馬。画簾隙水絃三
疊。盡換却吳水吳煙。桃李靚春靨。風急送帆
葉。正雁水夜清。臥虹平帖。軟紅路接。塗粉闌深
早。催入懷。暝天香宴果。花隊簇。輕軒銀燭。便問
訊湖上柳。兩堤翠匝。

淒涼犯

又名瑞鶴仙影
賦重臺水仙

空江浪闊。清塵凝。層層刻碎。水葉水邊照影。華
裙曳翠。露搔淚溼。湘煙暮合。塵韞凌波半涉。怕

夢窗十稿

四十三

汲古閣

臨風欺瘦骨。護冷素衣疊。樊姊玉奴恨。小鈿
疎唇。洗粧輕怯。汜人最苦。粉痕深幾重。愁壓花
溢香濃。猛熏透霜絹。細摺倚瑤臺。十二金錢。暈
半□

思佳客

癸卯除夜。

舊刻失題
印鵲天

自唱新詞送歲華。鬢絲添得老生涯。十年舊夢
無尋處。幾度新春不在家。衣嬾換。酒難賒。可
怜此夕看梅花。隔年昨夜青燈在。無限粧樓盡

翠華。

宴清都

送馬林屋赴南宮分韻得動字

柳色春陰重。東風力、快將雲雁高送。書檠細雨，
吟窗亂雪。天寒筆凍。家林秀、橘霜老。笑分得、蟾
邊桂種。應茂苑、斗轉蒼龍。淮潮獻奇吳鳳。玉
屑暗隱華年。凌雲氣壓千載雲夢。名箋淡墨。恩
袍翠草。紫駟青鞵。飛香杏園新句。眩醉眼、春游
乍縱。弄喜音、鵲遶庭花。紅簾影動。

夢窗丁稿

四十四

沙古隱

六醜

壬寅歲吳門
元夕風雨

漸新鵝映柳。茂苑鎖東風。初掣館娃舊遊。羅襦
香未滅。玉夜花節。記向畱連處。看街臨晚放小
簾低揭。星河歛。澹春雲。熱笑靨。欹梅仙衣舞纈。
澄澄素娥宮闕。醉西樓十二。銅漏催徹。紅消
翠歇。歎霜簪練髮。過眼年光舊情盡。別泥深厭
聽啼鴂。恨愁霏潤沁。陌頭塵襪。青鸞香鈿車音
絕。却因甚。不把歡期付與少年華。月殘梅瘦飛

趁風雪。丙夜永。更說長安夢。燈花正結。

蕙蘭芳引

賦陳藏一家吳郡王西園墨蘭

空翠□雲。楚山迥。故人南北。秀骨冷盈盈。□□
□□□□。清洗九畹。料未許。千金輕賣。淺笑還
輕語。蔓草羅裙一幅。素女情多。阿真嬌重。喚
□空谷。弄野色。煙姿宜埽。怨蛾澹墨。光風入戶。
媚香傾國。湘佩寒幽。夢小窗春足。

探芳信

夢窗丁稿

汲古閣

爲春瘦。夏瘦如梅花。花應知否。任枕函雲墜。離
懷半中酒。雨聲樓閣春寒裏。寂莫收燈後。甚年
年鬪草心期。探花時候。嬌嬾強拈繡。暗背裏
相思。閒供晴畫。玉合羅囊。蘭膏漬透。紅豔舞衣
疊損金泥鳳。妬折闌干柳。幾多愁雨。點天涯遠。
岫

惜黃花慢

菊賦

粉靨金裳。映繡屏認得舊日蕭娘。翠微高處。故

人帽底。一年最好。偏是重陽。避春祇怕春不遠。
傍幽徑。偷理秋妝。帶醉鄉。寸心似剪。漂蕩愁觴。
潮顙笑入清霜。鬪萬花樣巧。深染蜂黃。露痕
千點。自怜舊色。寒泉半掬。百感幽香。雁聲不到。
東籬畔。滿城但風雨淒涼。最斷腸。夜深怨蝶飛
狂。

金縷歌

爲德清趙令
君賦小垂虹

初見新柳

浪影龜紋皺。蘸平煙。青紅半溼。枕溪窗牖。千尺

晴虹映碧漪。萬疊蘿屏擁繡幃。幾度吳船回首。
歸興五湖應不到。向滄茫釣雪人知否。樵唱杳。
度深秀。重來趁得花時候。記畱連空山夜雨。
短亭春酒。桃李新栽成蹊處。盡是行人去後。但。
東閣官梅清瘦。欸乃一聲山水綠。燕無言風定。
紅簾晝。寒正悄。彈吟袖。

青玉案

重到溪
葵園

東風客雁溪邊道。帶春去。隨春到。認得踏青香。

徑小傷高懷遠。亂雲深處。目斷湖山杳。梅花
似惜行人老。不忍輕飛送殘照。一曲秦娥春態
少。幽香誰採。舊寒猶在。歸夢啼鶯曉。

浣溪沙

題李中笙
舟中梅屏

冰骨清寒瘦一枝。玉人初上木蘭時。嬾粧斜立
澹春姿。月落溪窮清影在。日長春去畫簾垂。
五湖水色掩西施。

探芳信

雲麓小園早飲客僕棋
事琴事。舊刻缺半調

夢窗十稿

四十七

汲古閣

轉芳徑。見霧捲晴漪。魚弄游影。旋解纓。濯翠臨
枰。□□□。修林竹色花香處。意足多新詠。試把
龍唇供來時舊寒。纔定。門巷都深靜。但酒敵
曉寒。共消日永。舊曲漪瀾待。畱向月中聽。藻蘋
密布官溝水。任汎流紅冷。小闌干笑拍東風醇
醒。

採桑子

香瑞

茜羅結就。丁香顆。顆顆相思猶記年時。一曲春

風酒一卮。綵鸞依舊。乘雲到。不負心期。清睡
濃時。香趁銀屏。蝴蝶飛。

三妹媚

姜石帚館水磨方氏會
飲總宜卽事寄毛荷塘

酣春清鏡裏。照清波。明眸。算雲愁歛。半綠垂絲。
正楚腰纖瘦。舞衣初試。燕客漂零。煙樹冷。青驄
曾繫。畫館朱橋。還把清尊。慰春顚顚。離苑幽
芳深閉。恨淺薄。東風。褪香銷膩。綵箋翻歌。最賦
情偏在。笑紅顰翠。暗拍闌干。看散盡斜陽舫市。

付與嬌鶯。金衣清曉。花深未起。

水龍吟

雲麓新聲
北墅園池

好山都在西湖。斗城轉北多流水。屋邊五畝。橋
通雙沼。平煙蘸翠。旋疊雲根。半開竹徑。鷗來須
避。四時長把酒。臨花傍月。無一日不春意。獨
樂當時高致。醉吟篇。如今還繼。舉見日葵心傾。
□□□。歸計浮碧亭。泛紅波。迥桃源人。世待天
香。□□開時。又勝翠陰青子。

燭影搖紅

雲麓夜燕園亭

新月侵堦。綵雲林外笙簫透。銀臺雙引繞花行。
紅墜香沾袖。不管籤聲轉漏。更明朝棋消永晝。
靜中閒看。倦羽飛還。遊雲出岫。隨處春光。翠
陰邨抵西湖柳。去年溪上牡丹時。還試長安酒。
都把愁懷抖擻。笑流鶯啼春謾瘦。曉風盡惡。妬
雪寒銷。梅梢成莖。

又

毛荷塘生日畱京不歸賦以寄意

西子西湖賦情合載鴟夷棹。斷橋直去是孤山。
應爲梅花到。幾度吟昏醉曉。背東風偷閒鬪草。
亂鴉啼後。解珮歸來。春懷多少。千里嬋娟茂。
園今夜同清照。櫻脂茸唾聽吟詩。爭似還家好。
昵昵西窗語笑。鳳雲深瓊簫縹緲。願春如舊柳。
帶同心。花枝壓帽。

望江南

即憶江南

三月暮。花落更情濃。人去鞦韆閒挂月。馬停楊

柳倦嘶風。堤畔画船空。
厭厭醉長日。小簾櫳。
宿燕夜歸銀燭外。啼鴛聲在綠陰中。無處覓殘紅。

天香

賦熏衣香

珠絡玲瓏。羅囊閒鬪。酥懷暝麝相倚。百和花鬚。
十分風韻。半襲鳳箱重綺。齒口四角。慵未結流
蘇春睡。熏度紅薇院落。煙銷画屏沈水。溫泉
絳綃乍試。露華侵透。肌蘭泚謾省。淺溪月夜暗。

浮花氣。荀令如今老矣。但未識韓郎舊風味。遠寄相思。餘黑夢裏。

江神子

賦洛北碧沼小庵

長安門外小林丘。碧壺秋。浴輕鷗。不放啼紅流水透宮溝。時有晴空雲過影。華鏡裏。翳魚游。綺羅塵滿九街頭。晚香樓。夕陽收。波面琴高仙子駕黃蚪。清磬數聲人定了。池上月。照虛舟。

沁園春

送翁賓陽游鄂渚

情如之何。算途爲客。忍堪送君。便江湖天遠。中
宵同舟。關河秋近。何日清塵。玉塵生風。貂裘明
雪。幕府英雄。今幾人。行清早。料剛腸肯。殢淚眼
難。擲。平生秀句。清尊到。悵動風開。自有神聽。
夜鳴黃鶴樓。高百尺。朝馳白馬。筆掃千軍。賈傳
才高。岳家軍壯。好勒燕然石上文。□□□念故
人老矣。甘臥閒雲。

。採桑子

水亭花上三更月。扇與人閒弄影闌干。玉燕重
抽。攏墜簪。心期偷卜新蓮子。秋入眉山翠破
紅殘。半簾湘波生曉寒。

清平樂

書扇
子扇

柔柯剪翠。蝴蝶雙飛起。誰墮玉鈿花徑裏。香帶
熏風臨水。露紅滴口秋枝。金泥不染禪衣。結
得同心成了。任教春去多時。

燕歸梁

書水
仙扇

白玉搔頭墜髻鬆。怯冷翠裙重。當時離佩解。丁
東淡雲低。算江空。青絲結帶。鴛鴦殘歲。華晚
又相逢。綠塵湘水。避春風。步歸來。月宮中。

西江月

江上桃花流水。天涯芳草青山。樓臺春瑣碧雲
灣。都入行人望眼。一鏡波平鷗去。千林落日
鴉還。天風裊裊送輕颿。鷺過星槎銀漢。

滿江紅

翠幙深庭。露紅晚閒。花自發春不斷。亭臺成趣。
翠陰蒙密。紫燕雛飛。簾額靜。金鱗影轉。池心閣。
有花香竹。色賦閒情。供吟筆。閒問字。評風月。
時載酒。調冰雪。似初秋入夜。淺涼欺葛。人境不
教車馬近。醉鄉莫放笙歌歇。倩雙成一曲紫雲
迴。紅蓮折。

夜行船

寓化度寺

鴉帶斜陽。歸遠樹。無人聽數聲鐘。算日與愁長。

心灰香斷月冷竹房扃戶。画扇青山吳苑路。
傷懷袖夢飛不去。憶別西池紅綃盛淚。腸斷粉
蓮啼露。

好事近

僧房
聽琴

琴冷石床雲海上。偷傳新曲。彈作一簷風雨碎。
芭蕉寒綠。冰泉輕瀉翠筒香。林果薦紅玉。早
是一分秋意。到臨窗脩竹。

浣溪沙

波面銅花冷不收。玉人垂釣理纖鉤。月明池閣
夜來秋。江燕話歸成曉別。水花紅減似春休。
西風梧井葉先愁。

風入松

雲麓園
堂燕客

一番疎雨洗芙蓉。玉冷珮丁東。輓轡聽帶秋聲
轉。早涼生、傷井桐。歡宴涼宵好月。佳人脩竹清
風。臨池飛閣乍青紅。移酒小垂虹。貞元供奉
梨園曲。稱十香、深蘸璫璫。醉夢孤雲曉色。笙歌

一。派。秋。空。

。鷓鴣天

化度寺作

池上紅衣伴倚闌。栖鴉常帶夕陽還。殷雲度雨
疎桐落。明月生涼。寶扇閒。鄉夢窄。水天寬。小
窗愁黛淡秋山。吳鴻好爲傳歸信。楊柳閨門屋
數間。

虞美人影

詠香橙

伊沈漁漁故人

黃包先著風霜勁。獨占一年佳景。點點吳鹽雪

疑玉臙和蠶冷。洋園誰識黃金徑。一棹洞庭
秋興。香薦蘭皋。湯鼎殘酒西窗醒。

訴衷情

片雲載雨過江鷗。水色澹汀洲。小蓮玉慘紅怨。
翠被又經秋。涼意思。到南樓。小簾鉤。半窗燈
暈。幾葉芭蕉。客夢床頭。

花上月令

文園消渴愛江清。酒腸怯。怕深觥。玉舟曾洗芙蓉。

客水瀉清冰。秋夢淺。醉雲輕。庭竹不收簾影。
去。人睡起。月空明。瓦瓶汲井和秋葉。薦吟醒。夜
深重。怨遙更。

卜算子

涼挂曉雲輕。聲度西風小。井上梧桐應未知。一
葉雲鬟裊。來雁帶書遲。別燕歸程早。頻探秋
香開未開。恰似春來了。

秋霽

賦雲麓水
園長橋

一水盈盈。漢影隔游塵。淨洗寒綠。秋沐平煙。日
回西照。乍驚飲虹天北。綵蘭翠馥。錦雲直下。花
成屋。試縱目。空際醉來。風露跨黃鶴。追想縹
緲釣雪松江。恍然煙簑。秋夢重續。問何如臨池
贈玉。扁舟空艤洞庭宿。也勝飲湘然楚竹。夜久
人悄。玉妃喚月。歸來挂筌聲裏。水宮六六。

鳳栖梧

甲辰七夕

即從隱九

開過南枝花滿院。新月西樓。相約同針線。高樹

數聲蟬送晚。歸家夢向斜陽斷。夜色銀河情
一片。輕帳偷歡。銀燭羅屏怨。陳迹曉風吹霧散。
簾鉤空帶蛛絲捲。

江神子

喜雨上
麓翁

一聲玉磬下星壇。步虛闌。露華寒。平曉阿香油
壁碾青鸞。應是老鱗眠不得。雲砲落海潮翻。
身閒猶耿寸心丹。炷爐煙。暗祈年。隨處蛙聲鼓。
吹稻花田。秋水一池蓮葉晚。吟喜雨。拍闌干。

齊天樂

飲白醪感少年事

芙蓉心上三更露。茸香漱泉玉井。自洗銀舟。徐開素酌。月落空杯無影。庭陰未暝。度一曲新蟬。韻秋堪聽。瘦骨侵冰。怕驚紋簾夜深冷。當時湖上載酒。翠雲開處。芙蓉雪面波鏡。萬感瑤漿。千莖鬢雪。煙鎖藍橋花徑。畱連算景。但閒覓孤歡。強寬秋興。醉倚修篁。晚風吹半醒。

賀新郎

湖山有所贈

湖上芙蓉早。向北山煙深霧冷。更看花好流水。
茫茫城下夢。空指游仙路。杳笑蘿嶂雲屏親到。
玉雪肌膚春溫夜。飲湖光山綠成花貌。臨澗水。
弄清照。著愁不盡宮眉小。聽一聲相思曲裏。
賦情多少。紅日闌干鴛鴦枕畔。枉裙腰褪了。算
誰識垂楊秋裊。不是秦樓無緣分。點吳霜羞戴
簪花帽。但殢酒任天曉。

霜天曉角

題胭脂嶺
陶氏門

煙林褪葉紅。藕藉游入。縹緲十里秋聲。松路嵐雲
重翠濤涉。竚立閒素筵。畫屏蘿嶂疊。明月雙
成。歸去天風裏。鳳笙浹。

烏夜啼

桂花

辛巳年秋

西風先到岩。月籠明金露。啼珠滴翠小雲屏。
一顆顆一星星。是秋情。香裂碧窗煙破。醉魂
醒。

夜行船

逗曉闌干。露露水。端期杳。画簷鵲喜。粉汗餘香。
傷秋中酒。月落桂花影裏。屏曲巫山和夢倚。
行雲重夢飛不起。紅葉中庭綠塵斜。應是寶
箏慵理。

鳳栖梧

化度寺池蓮一
花最晚有感

印紅惠元

湘水煙中相見早。羅蓋低籠。紅拂猶嬌小。粧鏡
明星爭晚照。西風日送凌波杳。惆悵來遲羞
窈窕。一霎畱連。相伴闌干悄。今夜西池明月到。

身留一季
餘香翠被空秋曉

生查子

社秋

當樓月半奩。曾買菱花處。愁影背闌干。素髮殘
風露。神前鷄酒盟。歌斷秋香戶。泥落畫梁空。
夢想青春語。

尾犯

甲辰中秋。
舊刻失題。

紺海掣微雲。金井算涼梧。韻風息。何處樓高想
清光先得。江汜冷。冰綃乍洗。素娥懽菱花再拭。

影畱人去。忍向夜深。簾戶照陳迹。竹房苔徑。
小對日。莫教煙碧。露蓼香輕。記年時。相識二十。
五。聲聲秋點。夢不認。屏山路。窄。醉魂悠颺。滿地。
桂陰。無人惜。

慶春宮

殘葉翻濃。餘香棲苦。障風怨動秋聲。雲影搖寒。
波塵銷膩。翠房人去。深局。畫成淒黯。雁飛過。垂
楊轉青。闌干橫。暮。酥印痕香。玉腕誰憑。菱花

乍失娉婷。別岸園紅。千豔傾城。重洗清盃。同追
深夜。荳花寒落。愁燈近。歡成夢斷。雲隔巫山。幾
層。偷相憐處。重盡金篝。消瘦雲英。

霜天曉角

舊刻
失題

香蕤幽徑滑。縈繞秋曲折。簾額紅搖波影。魚驚
墜暗吹沫。浪闊輕棹撥。武陵曾話別。一點煙
紅春小。桃花夢半林月。

漢宮春

壽梅
津

名壓年芳。倚竹根新影。獨照清漪。千年禹梁蘚。
碧重發南枝。冰凝素質。遣凡桃羞濯塵姿。寒正
峭。東風似海。香浮夜雪春霏。練鵲錦袍仙使。
有青娥傳夢。月轉參移。逋山傍鷺。繫馬玉剪新
辭。宮妝鏡裏。笑人間花訊都遲。春未了。紅鹽薦
鼎。江南煙雨黃時。

西江月

丙午
冬至

添線綉床人倦。翻香羅幙煙斜。五更簫鼓貴人

夢窗下稿

六

汲古閣

家門外曉寒嘶馬。帽壓半簷朝雪。鏡開千靨。
春霞小。帘沽酒看梅花。夢到林逋山下。

浣溪沙

中冬後出還
履翁舟中即興

新夢游仙駕紫鴻。數家燈火灞陵東。吹簫樓外
凍雲重。石瘦溪根舩宿處。月斜梅影曉寒中。
玉人無力倚東風。

戀繡衾

頻摩書眼怯細文。小窗陰天氣似昏。獸爐暝慵。

添困帶茶煙微潤寶熏。少年嬌馬西風冷舊
春衫猶浣酒痕。夢不到梨花路。斷長橋無限算
雲。

催雪

霓節飛瓊。鸞駕弄玉。杳隔平雲弱水。倩皓鶴傳
書。衛姨呼起。莫待粉河凝曉。趁夜月瑤笙飛環
珮。寒驢吟影。茶煙竈冷。酒亭門閉。歌麗泛碧
蟻。放繡箔牛鈎。寶臺臨砌。要須借東君灞陵春

意曉夢先迷。楚蝶早風戾。重寒侵羅被。還怕掩深院。梨花又作故人清淚。

杏花天

鬢稜初剪玉纖弱。早春入屏山四角。少年買困成歡謔。人在濃香繡幄。霜絲換梅殘夢覺。夜寒重。長安紫陌。東風入戶。先情薄。吹老燈花半萼。

醉桃源

元

五更攪馬靜無聲。隣雞猶怕驚。日華平曉弄春
明。莫寒愁翳生。新歲夢去年情。殘宵半酒醒。
春風無定落梅輕。斷鴻長短亭。

菩薩蠻

落花夜雨辭寒食。塵香明日城南陌。玉靨溼斜
紅。淚痕千萬重。傷春頭竟白。來去春如客。人
瘦綠陰濃。日長簾影中。

夢窗下稿

終

夢窗絕筆

鷓鴣啼序

□吳鴛雲閨海□春空燦綺倒銀海燕影西城
□□天鏡無際綵翼曳扶搖宛轉雲龍虹尾交
相曳□□□高處□□笑語吹墜清濯緇塵
□□□□□屏障一一鷓鴣花薜蘿
□□□□□紅香流水
□□□□□領客

□□□□□離席而語敢詫京兆□□□
□□□成良慶會賡歌熙載隆都□□閒暇遺
□□雅飾繁華地平瞻太極□□□天□
□□納璇題靜夜沈秋□風觀闕麗日□正
午洗盡脂痕茸唾淨捲麴塵永晝低垂繡帷十
二高軒駟馬戎冠鳴珮班回花底脩禊飲御爐
香分惹朝衣袂碧桃數點飛花湧出宮溝陽春

萬里

淳祐十一年二月甲子
四明吳文英君特書

夢窗補遺

聲聲慢

閨重九
飲郭園

檀。藥。金。碧。婀娜蓬萊。游雲不蘸芳洲。露柳霜蓮。
十分點綴。殘秋。新彎画眉未穩。似含羞低度牆
頭。愁送遠。駐西臺車馬。共惜臨流。知道池亭
多宴。掩庭花長是驚落秦謳。膩粉闌干。猶聞凭
袖香留。輸他翠連拍甃。瞰新粧終日凝眸。簾半
捲。帶黃花人在小樓。

倦尋芳

饒周糾
定夫

暮帆挂雨。冰岸飛梅。春思零亂。送客將歸。偏是
故宮離苑。醉酒曾同涼月舞。尋芳還隔紅塵面。
去難留。悵芙蓉。路窄。綠楊天遠。便繫馬。鶯邊。
清曉煙草晴花。沙潤香軟。爛錦年華。誰念故人
遊倦。寒食相思隄上路。行雲應在孤山畔。寄新
吟。莫空回。五湖春雁。

絳都春

爲清華
內子寄

香深霧暝。正人在錦瑟。年華深院。舊日漢宮分。
得紅蘭滋吳苑。臨池羞落梅花片。弄水月初勻。
粧面紫煙籠處。雙鸞笑跨。洞簫低按。歌筵紅
圍翠袖。凍雲外似覺東風先轉。繡幃畫遲花底。
天寬春無限。仙郎騎馬瓊林宴。待捲上珠簾教
看。更傳鸞入新年。寶釵夢燕。

。唐多令

惜別

何處合成愁。離人心上秋。縱芭蕉不雨也飈飈。

都道晚涼天氣好。有明月。怕登樓。年事夢中
休。花空煙水流。燕辭歸客。尚淹留。垂柳不繫裙
帶住。謾長是繫行舟。

。法曲獻仙音

和丁宏
菴韵

落葉霞翻。敗窗風咽。暮色淒涼深院。瘦不關秋
淚。綠生別情銷鬢霜。千點悵翠冷搔頭。燕那能
語。恩怨。紫簫遠。記桃枝向隨春渡。愁未洗。鉛
水。又將恨染粉縐。澀離箱。忍重拈燈夜裁剪。望

極藍橋。綵雲飛。羅扇歌斷。料。鸞籠玉鎖。夢裏隔花時見。

好事近

秋飲

雁外雨絲絲。將恨和愁都織。玉骨西風添瘦。減尊前歌力。袖香曾枕醉紅腮。依約唾痕碧。花下凌波入夢。引春雛雙鶻。

憶舊遊

別黃澹翁

送人猶未苦。苦送春。隨人去。天涯片紅都飛盡。

陰陰潤綠。暗裏啼鴉。賦情頓雪。雙鬢飛夢。逐塵沙。歎病渴。淒涼分香瘦。減兩地看花。西湖斷橋路。想繫馬。垂楊依舊。欹斜葵麥。迷煙處。問離巢孤燕。飛過誰家。故人爲寫深怨。空壁掃秋蛇。但醉上吳臺。殘陽草色。歸息賒。

。宴清都

病渴文園久。梨花月。夢殘春。故人舊愁。彈枕雨。衰翻帽雪。爲情倥傯。千金醉躍驕驄。試問取朱

橋翠柳。痛恨不買斷斜陽。西湖醞入春酒。吳宮亂水斜煙。留連倦客。慵更回首。幽蛩韻苦哀。鴻叫絕。斷音難偶。題紅汎葉。零亂想夜冷江楓。暗瘦付與誰一半悲秋。行雲在否。

金縷歌

陪履齋先生
滄浪看梅

印領新印

喬木生雲氣。訪中興英雄陳迹。暗追前事。戰艦東風慳借便。夢斷神州故里。旋小築吳宮閒地。華表月明。歸夜鶴。歎當時花竹。今如此。枝上露。

濺清淚。遨頭小簇行春隊。步蒼苔尋幽別塢。
看梅開未。重唱梅邊新度曲。催發寒梢凍蕊。此
心與東君同意。後不如今。今非昔。兩無言相對。
滄浪水。懷此恨。寄殘醉。

跋

或云夢窗詞一卷或云凡四卷以甲乙丙丁繫目
或又云四明吳君特從吳履齋諸公遊晚年好
填詞謝世後同遊集其丙丁兩年稿若干篇

釐為二卷末有鶯啼序遺缺甚多蓋絕筆也
與余家藏本合符既闌花菴諸刻又得逸篇九
闕附存卷尾山陰尹煥序略云求詞于吾宋前有
清真後有夢窗此非煥之言四海之言也湖
南毛晉識

夢窗補遺

終